

第一七九冊

方輿彙編

職方典

順寧府部

曲靖府部

姚安府部

鶴慶府部

武定府部

(卷)

一四三—一四四

一四五—一四六

一四七—一四八

一四九—一五〇

一五一—一五二

古今圖書集成

中華書局影印

欽定古今圖書集成方輿彙編職方典

第一千四百九十三卷目錄

順寧府部彙考一

順寧府建置沿革考

順寧府疆域考

順寧府星野考

順寧府山川考

順寧府城池考

順寧府關梁考

順寧府公署考

順寧府學校考

順寧府戶口考

順寧府田賦考



職方典第一千四百九十三卷

順寧府部彙考一

順寧府建置沿革考

本府

通志

古百濮地濮訛爲蒲舊名慶甸蒲人居之歷漢唐宋不通中國蒙氏段氏亦不能制元泰定間始內附天曆元年置順寧府并置寶通州慶甸縣大侯長官司明洪武十五年仍置府後省州縣入府萬曆二十五年設流官改大侯爲雲州

皇清因之領州一

雲州

宋蠻孟祐地元中統初辟文內附授大侯長官司屬龍川明洪武中內附以其酋爲長官司正統中陞大侯州後改設流官名雲州領猛緬長官司一猛緬猛撒巡檢司二隸布政司萬曆中改隸本府

皇清因之

順寧府疆域圖



順寧府疆域考

通志

本府

東至蒙化府界一百三十里

西至海甸土州界一百三十里

南至景東府界三百四十里

北至永昌府永平縣界三百七十里

由府至省一千一百五十五里

東西廣三百五十里南北袤七百一十里

雲州

東至景東府界一百二十里

西至順寧府界十里

南至景東府界二百五十里

北至蒙化府界一百二十里

東西廣二百三十里南北袤三百七十里

形勝附

本府

舊志衆山環繞於西南一江襟帶於東北雲州雖彈丸有建瓴之勢三甸如鼎足分犄角之形

界限華彝荒微資爲控制區分邊腹封疆賴以藩籬

雲州

僻在白彝之微深山盤水地勢炎蒸

州志天馬山屏障於後猛卯山列戟於前兩水交纏萬山圍峙左有神舟渡大壑之雄右有永鎮關扼吭之險洵西南之鎖鑰重地也

順寧府星野考

府志

府總

海內諸郡邑各有分野取二十八宿而占祿祥應若符合如順郡距九州甚遠其屬於何宿何度甚難辨也亦視其所附而已檢稱益未稱梁順與榆永接壤而順可知矣天官書云觜觿參益州又參爲白虎三星直者視爲衡石下有三星其外四星左右肩股也小三星隅置曰觜觿爲虎首主葆旅事漢書分野屬井鬼入參七度晉書次鶉首未位隋書梁州上應觜參朱書麗中台上位北斗開陽一星星經太白爲益州又北斗第二星主益州元命苞參流爲益州文獻通考梁州兼參宿按圖說屬入參一度健爲入參二度越樹入參三度以陰陽宮參九井十八度計之滇不越二十七度間順當亦不出二十八度耳

順寧府山川考

通志府州志合載

本府

鳳山 在城西一里郡鎮山也
樂平山 在鳳山西北十五里
中阿山 在鳳山西南十五里
假山 在城北十五里又名墨玉山一望葱鬱黛色如畫
交鳳山 在城東五里形如雙鳳
把邊山 在城南四十五里兩山相對一逕中

通關建其上按明一統志中有把邊關

九層樓山 在城西北八十里嶺盤九層上有聚落

洋山 在城東一百二十里其下卽蘭滄黑惠二江合流處

阿鐸山 在城西南一百八十里林深谷奧下臨絕澗以藤爲橋

西粵山 在城西南二百里猛緬界山俱峭壁有瓊英洞洞背城闊廣約十餘丈上浮翠蓋狀如垂蓮中有石鼓聲同擊玉嵌空奇崛深邃莫窮偏邦山揖其左猢猻山倚其右拱而前者有梳頭山高卑環接皆名勝也

阿魯使泥山 在城北一百八十里上有白霞洞深十餘步石蓋如樓時見白氣東下有泉入黑惠江

蟻蟻者石山 在城西北二百四十里山極高峻奇石嵌空怪異萬狀上有聚落名蟻蟻

順寧河 在府治東源出甸頭村山箐流入雲州孟佑河

堯碌河 在府南一里水出南山

洛甸河 在府南三十五里出中阿山下

臘門河 在府北十里三水俱南流與順寧河會而東注

蘭滄江 在府東北七十里源自金齒東南流經府境又上流東北爲銀龍江亦會此水與黑惠江合南歷景東元江交趾入南海

黑惠江 在府東其上流卽碧溪江水由大理

劍川二澤與漾濞水合爲一江經府洋山下入蘭滄達南海蒙氏號四潰之一

龍湫 在府治南山之麓方一畝林木蒼蔚水色澄碧

蘊古泉 在府治西彝語謂泉爲蘊謂湧爲古又名蘊古泉其水澄澈可鑑毛髮

雲州

鎮彝山 在州西五里

習彌山 在州東六十里

蠻彌山 在州南二百五十里林密山深巖石壁立

馬鞍山 在州之右五里

天馬山 在州之後四里有餘爲州之主山稱名勝

猛卵山 在州治前十餘里形如列戟翠色欲流

昔彌山 在州北一百五十里下臨瀾滄江高逾千仞舊有一聯云昔彌之峰聳而翠遙接孤城滄江之水濤以深險同天塹不知誰氏之筆也

阿輪山 在州之東一百二十里下臨瀾江高二千餘仞與諸山綿互不分隔江景東無量山對峙險峻異常登陟維艱雲地無雪此山甚寒雪積不消

挨羅箐 在州北一百里自猛郎求鎮橋起至林後哨止約三四十里兩山高夾溪水亂流路通一線泥濘險僻雨霽皆然喬木蔽天藤蘿障

日迷漫如霧朝夕陰霾酷暑而晝生寒日午即如近暮矣

瀾滄江 在州北一百二十里與漢溝江合在府境接壤處遼州境而東入景東猛緬界江水到冬臘月其色黑綠兩岸皆險峻高山夾流其水寒甚因上流過麗江金寒則水冷無論四季人墮入水強半不能出若牲畜浮渡者每罹瘦患證蓋冷氣侵骨較他水又有異焉

四十八道水 在州之南一百里自永鎮關起至猛賴大河止約五六十里一水曲繞於重岡復嶺之下出其途者踰山渡澗凡數十次而後盡渡水方能達路行路必要渡水且林谷幽怪石磴嶺峙合抱參天之樹密如毛髮蔓草薜蘿充塞道路人煙絕無虎豹時有非結伴不敢經過

順甸河 在城南三里府城之河與猛石河自舊城合流而環遼州前每於夜靜時遠聞潺潺琅琅如佩玉聲

小龍河 在州南一里河出邦蓋山及各山凹會來之水與順甸河合流淺溢靡常間或夏月人馬浮涉有至中流而漂去者值其忽漲故也神舟渡 在太平哨之下十里往蒙化府交界用大板船濟渡漫乃江 在阿輪山東五里係往景東之咽喉用木槽船渡

猛賴河 在州南八十里河之上流名大河從猛緬界來

南看河 由順寧遼州之左

水利附

本府

天澤塘 在樂平山椒土官猛貢鑿塘注水周半里許

雲州

洪塘 在鎮彝山下

李家壩

三岔溝

順寧府城池考

本府

順寧府城池 在鳳山之中明萬曆二十八年巡撫陳用賓檄知府余懋學建周七百二十丈高二丈一尺甃以磚設四門東曰朝天南曰慶雲西曰未定北曰隆昌

皇清康熙三年知府米聰重建四樓三十年秋靈雨東南二樓瓦飛棟折二座傾圮知府徐欉捐俸重修屹然如故三十八年西北二樓將傾知府董永芝捐俸修煥然一新

外州

雲州城池 原係大侯寨改為大侯土州嗣又改土設流並無城郭至明萬曆二十年知州劉秉鎰奉文建碑城至三十一年告竣高一丈六尺週圍共六百一十四丈零梁口一千六十零四箇東西南北城樓四座高三丈六尺闊四丈一尺止開東南北三門西門為關風脉不開今樓年久已廢於崇禎八年守備王之將於城外

開壕溝週匝環遼寬二丈深一丈久因雨水壅填過半未易修濬

順寧府關梁考

本府

把邊寨關 在府南六十里為順雲扼吭地路通蒙景二府

浦關

溫馬罕關

等喇關

臘門關 俱在府境

迎恩橋 去府二里在東門外未蒙路經之矩府王政重修挽以鐵索甚堅固

衛亨橋 在府北城下明崇禎十七年知府曾瑞來建

行春橋 在府東城外一里往東山寺路經之康熙四年知府米聰捐俸重修

右甸大橋 明崇禎十五年通判謝天祿捐俸重修

枯柯大橋 去府二百五十里明知府李忠臣建挽以鐵索巨木為棟上覆瓦屋水出毒岸有

嵐熱氣蒸人如釜如甑利在速行非橋不可
皇清康熙四年知府米璫重建

錫鉛橋 在府北八十里明崇禎十七年知府

曾瑞來建木橋瓦屋疊石爲墩堅固可久矣

猛石橋 未載處所

大橋 在府北一百六十里往隆昌大路康熙

四年知府米璫修

小橋 在府北一百四十里往隆昌大路

太平橋 未載處所

觀音寺橋 在府南三里許三官閣山下路通

雲州

歸化橋 在府南十五里路通雲州大路舊橋

爲水所沒已久康熙三年知府米璫捐俸重修

麻臘寨橋 在府南七十里路通雲州舊橋中

壞石址無存康熙年間知府米璫捐俸同耆民

修建

大橋 在府北一百六十里又名猛家橋路通

蒙化明末知府曹巽之捐俸建

末濟橋 在大橋之西相去二里明末知府曹

巽之建

歪泥橋 在木龍里路通永平去府二百五十

里康熙二年永平生員馮家訓修建

克麻橋 在牛街坡下通來宣橋大路秋夏多

爲澗水所阻過者稱難康熙二年知府米璫捐

俸重建

來宣橋 在府北一百八十里牛街驛溝溪江

上通蒙化其渡最險明末焚燬

皇清康熙元年知府米璫捐俸重修橋長九丈兩端

挽以鐵纜上覆瓦屋二十一楹九年復燬巡撫

李天浴布政使崔之瑛按察使張彥珩等捐俸

檄知府許弘勳督修

鳳鳴橋 在府城西康熙元年巡撫司道各捐

俸檄知府米璫督修

宣德橋 知府劉芳聲建

泗水橋 在城外東南角

翁起橋 知府李文淵重修

天順橋 耆民張所蘊等同建

攸往橋 知府劉芳聲建

永順橋 知府董永艾建

迎春橋 知府李文淵建

瑞虹橋 知府徐懷重修

遠來橋 知府徐懷重修

黑惠江渡 在赤龜山下

瀾滄江渡 在府東北八十五里

雲州

末鎮橋 在州北四十里地名溫萌

長安橋 在州之北五十里地名猛郎

廣德橋 在州之南十里貢生劉次徵州民張

文甲盧應祥僧默契共建年久傾塌州民楊貴

宇重修

新惠橋 在州之南十二里舊城之右合州紳

矜耆庶漢彝人等同修於康熙五十三年大水

冲壞今改爲鐵索橋

富春橋 在州之東五里先年連修三次不果

皇清康熙丙申年永北府程署理順寧兼攝雲州捐

穀四十石給公銀三十兩委員生李恭孔忠等

鳩工督役募化銀錢於本年五月中告成橋鎮

順甸二水關一州風脉兩牙頭高架水中其橋

既長且闊乃雲陽第一橋也

小藤橋 在州之南地名猛賴

石橋 出蒙化路計六座俱知州張鶴塘捐俸

重建

鎖水橋 在州舊城本府河水所經馬鞍山居

岸北舊城沙汀拱岸南橋以鎖水知州刁飛龍

捐俸重修

永安橋 在城北門外今廢

小板橋 在城北十里地名鹽井哨

順寧府公署考

通志

本府

順寧府治 舊在麻陋缺村明永樂十六年建

萬曆二十六年巡撫陳用賓遷建於城內鳳山

下按府志在城西建東向大門一座儀門一座

大堂五間堂下兩廡吏書房各八間川堂三間

大樓五間花廳三間知府王縉建額曰背山堂

書房三間知府米璫建額曰品竹居花亭一座

知府董永艾修建題額曰問梅亭有石鐫問梅

亭記廚室一間小房五間馬房正側五間其主

樓傾圮知府董未艾重修後山草亭三間知府

李文淵建顏其額曰乾坤一草亭

督捕府署 在府南門內年久傾圮今改為廣

文署知府米璫以舊行臺為祭將借居置金七

十買李姓之宅在府城北開改修之大門三間

左右客房三間儀門三間大堂三間後堂捲蓬

三間大樓三間兩廂各五間

經歷司 在府治內

司獄司 在府治內今廢

公館 今廢

順寧城守營署 明設順蒙守備駐雲州蒙化

順郡原無營署迨全滇初定改設順雲參府借

居舊行臺後改守備移兵景東行署圮廢今守

備移居於舊時千總署中其營房係知府劉芳

聲捐修瓦房二百五十間草房一百五十一間

在城東南隅民屋西南隅兵民分處法最善也

右甸行署 久廢

腊邑行署 久廢

積貯倉 常平倉 俱在府二門之左

大有倉 在育賢館後

演武場 在舊城南按古者多而講武武場不

可不設然前演武廳卑陋傾圮不足觀城守營

守備宋清捐資新建額曰觀德堂日往簡閱賞

罰並行紀律森嚴兵民胥便焉

養濟院 圮廢

漏澤園 一在東山寺前一在土主廟後一在

城隍廟後

外州

雲州治 在城內西門即舊參將府明萬曆二

十六年改設按州志署中為正堂三間左右兩

角門堂前為甬道為戒石亭前為儀門門外左

為土地祠下為賓賓館前為大門門外為屏牆

左右有旗竿有鼓吹房二事依古制為彈壓邊

彝之所設也堂右西南隅為獄堂之後為川堂

後為內衙知州蔣捐俸新建後樓三間額曰迎

煦樓後建一亭題曰醉滁州署其牆垣因

皇清康熙四十四年接連雨水傾壞大半知州蔣捐

俸修築

吏目廳 在州左因州同奉裁今為吏目衙前

後傾頽不堪吏目楊重修

舊制巡檢司 有八一在牛街一在錫沿寨一

在董甕寨一在赤壁嶺一在蟒水寨一在錫臘

寨一在猛麻驛一在府前今俱廢

分防衙舍 在北門內

行臺公署 在南門內今廢

猛郎公館 中為堂前為大門後為內衙

太平哨公館 中為堂前為大門後為衙

倉二所 在土地祠左右州自開設以來時駐

兵五百名凡兵丁月糧及官俸糧額在稅銀內

支給故設倉四處一在堂左其三在大州內土

地祠左右今兵止存駐一百名支糧無幾餘糧

俱撥運別鎮且以歲久年遠倒塌過半止存堂

左一所土地祠右一所

順寧府學校考

本府

順寧府儒學 在府治西南明萬曆三十四年

巡撫都御史陳用賓奏建知府余懋學創修代

更傾圮人謂地脉稍薄人文未暢

皇清康熙八年知府許弘勳卜支龍之麓而遷之鼎

建大成櫺星二門名宦鄉賢二祠鑿泮池規制

具備知府胡朝賓修葺康熙二十二年奉

旨郡邑重修知府劉芳聲修葺

義學 有三一在育賢館一在龍泉寺一在落

黨立勒村知府徐懷通判李燦捐俸延師訓課

學田 康熙三十六年知府董未艾將舊設本

府隨印田租四十石捐入義館歲給生徒久廢

外州

雲州儒學 在州治右明萬曆三十四年巡撫

陳用賓奏建明末賊焚

皇清定鼎以來署州事經歷董永茂因儒生楊朝杖

等呈請遷學於守備舊署十一年知州舒暢督

率生儒捐資修葺堂垣門道一切俱備學未設

官歸順寧教授約束

義學 有三一在本城文昌宮一在舊城三教

寺一在猛郎五福寺康熙二十九年知州陸榮

登捐俸延師訓課

通志

順寧府戶口考

通志

本府

康熙三十年分原額人丁并編審清出除頂補老故外共丁九千六百七十三丁額徵丁銀一千九十四兩九錢

又額外康熙二十五年編審增出沐莊人丁三十丁應徵丁銀三兩六錢

按府志原額民戶人丁八千二百九十三丁內逃故人丁一千九百一十三丁

實在人丁六千三百八十丁每丁編銀一錢二分共該丁銀七百六十五兩六錢

順郡人丁一則如新增人丁俱照原編一則起科並無另立科則以致輕重不符

雲州

按州志原額戶口人丁三千七百五十八丁內

除照全書優免並親身應役共一百三十三丁免編外實編二千六百五十五丁內

實徵銀三百二十九兩三錢無徵銀三十六兩二錢以上條編地畝加派丁差共該

實徵銀一千一百三十一兩三錢四分八釐四毫六絲三忽二微七纖三塵內奉文照銀七錢

三徵收該銀七銀七百九十一兩九錢四分四釐四毫六絲三忽二微七纖三塵該錢三銀一百三十九兩四錢四釐因軍需浩繁俱徵解布

政司庫

順寧府田賦考

通志

本府

原額民地并新增沐莊共地八百八十七頃四釐零內

上則地十頃七十六畝九分六釐零每畝科稅四升該稅四十三石七升八合零

中則地八十一頃四十八畝二分四釐零每畝科稅二升二合該稅一百七十九石二斗六升一合零

下則地六百九十四頃七十四畝八分三釐零每畝科稅一升六合該稅一千一百一十一石五斗九升七合零

三則該夏稅折色四錢麥一千三百三十三石九斗三升七合零該銀五百三十三兩五錢七分四釐零內

荒蕪民地三十四頃六十五畝三分六釐零內上則地一畝該稅四升

中則沐莊地五頃二十九畝八分四釐零每畝科稅二升二合該稅一十一石六斗三升六合零

下則地二十九頃三十四畝五分二釐零每畝科稅一升六合該稅四十六石九斗五升二合零三則該無徵夏稅折色四錢麥五十八石六斗四升八合零

成熟民地七百五十二頃三十四畝六分八釐零內

上則地十頃七十五畝九分六釐零每畝科稅四升該稅四十三石三升八合零

中則地七十六頃一十八畝四分零每畝科稅二升二合該稅一百六十七石六升四合零

下則地六百六十五頃四十畝三分一釐零每畝科稅一升六合該稅一千六十四石六斗四升五合零

三則該實徵夏稅折色四錢麥一千二百七十五石二斗二升八合零每石帶耗三升該耗麥三十八石二斗五升八合零正耗共麥一千三百一十三石五斗四升七合零

原額民田並新增沐莊共田七百六十一頃三十八畝四分九釐零

又額外新增自首絕戶土官田二頃三十一畝二分五釐零二項共田七百六十三頃六十九畝七分四釐零內

上則田一百七十二頃一十六畝八分六釐零每畝科糧四升二合該糧七百二十三石一斗八合零

中則田二百三十三頃一十二畝五分零每畝科糧三升二合該糧六百五十石零

下則田三百八十八頃四十畝三分零每畝科糧二升三合該糧八百九十三石三斗二升零

三則該秋糧本色米三百六十石二斗八升五合零折色七錢米一千九百六石一斗五升四合零該銀一千三百三十四兩三錢七釐零內

荒蕪下則田九十九頃九十八畝四分零每畝科糧二升三合該糧二百二十九石九斗六升三合零

無徵沐莊

秋糧本色米一石三斗五升三合零

折色七錢米二百二十八石六斗一升零

成熟民田并康熙三十二年自首開墾共田六

百六十三頃七十一畝三分三釐零內

上則田一百七十二頃一十六畝八分六釐零

每畝科糧四升二合該糧七百二十三石一斗

八合零

中則田二百三頃一十二畝五分零每畝科糧

三升二合該糧六百五十石零

下則田二百八十八頃四十一畝九分六釐零

每畝科糧三升三合該糧六百六十三石三斗

六升五合零

三則該實徵秋糧本色米三百五十八石九斗

二升九合零每石帶耗三升該耗米十石七斗

六升七合零正耗共米三百六十九石六斗九

升七合零

實徵折色七錢米一千六百七十七石五斗四

合零每石帶耗三升該米五十石三斗二升六

合零正耗共米一千七百二十七石八斗七升

零

原額并新增沐莊稅糧共三千五百九十三石

九斗四合零

又額外新增絕戶土官田秋糧六石四斗六升

九合零遵照部文編成總數每稅糧一石合編

銀四錢三分一釐零

原額條編銀一千五百四十九兩二錢七分一

釐零

又額外新增絕戶土官田條編銀二兩七錢八

分九釐零二項共銀一千五十二兩六分零內

荒蕪無徵條編銀一百二十四兩四錢一分五

釐零

實徵條編銀并康熙三十二年自首開墾共銀

一千四百二十七兩六錢四分四釐零奉文照

銀七錢三釐收

附額徵

在城遠屯錫脂牛街右甸枯柯等處商稅山課

共銀一百四十一兩遇間加銀一十一兩七錢

五分此項銀兩照例徵銀於商稅間內造報

附徵永昌府經徵于額恩轉達等事案內就近

改歸順寧

本府徵收民賦

施甸長官司枯柯明邑寨原係彝方并無田畝

照納原額實徵夏稅折色六錢麥十石二斗二

升五合該銀六兩一錢三分五釐每石帶耗三

升該耗麥三斗六合零正耗共麥十石五斗三

升一合零

枯柯寨實徵秋糧米四十三石四斗五升

明邑寨實徵秋糧米四十四石五升五合共秋

糧折色米八十七石五升五合內七錢一分三

釐該銀二兩三錢二分五釐零

七錢米八十七石五斗五合零該銀五十八兩

九錢七分一釐零

二項折色先因軍需匱乏奉文改徵本色以二

斛一石徵收每石帶耗三升該耗米二石六斗

二升五合零正耗共米九十石一斗三升零

原額稅糧共九十七石七斗三升每石編地畝

銀一錢一分四釐零該銀十一兩一錢四分五

釐零協濟銀一兩二錢七分七釐零

原額實編地畝協濟銀十二兩四錢二分七釐

零奉文照銀七錢三釐收

附徵保山縣今于額恩轉達等事案內就近分

歸順寧府徵收民賦

枯柯寨額該土舍認辦實徵條編銀九十兩

明邑寨額該土舍認辦實徵條編銀八十兩共

該額辦實徵條編銀一百七十兩奉文照銀七

錢三釐收

新增學田八十六畝八分五釐零內

上則田一十三畝九釐零

中則田七十三畝七分六釐零二則該學租銀

八兩七錢一分此項學田租銀係該府于查報

義田事案內查出未載全書之款今奉文增入

全書所有前項學租銀兩照數徵收貯庫聽候

備賑另開造報

順寧府經徵收民賦並新增共該實徵民沐并

康熙三十二年自首開墾增入全書夏稅秋糧

本折二斛一石麥米三千四百九十九石九升

二合零每石帶耗三升該耗麥米一百二十二

斗八升四合零正耗麥米共三千五百一十一

石七斗七升七合零

鹽課

本府原食白鹽井額鹽自順寧至白井往還四十餘站脚價之重倍于鹽價民竟有長年淡食者順民苦之署府事修鸛影據士民公呈申詳督撫部院及鹽道准就近買食抱母井黑鹽每年幫鹽課一千五萬斤徵解銀一千二百二十三兩八錢五分于民甚便

雲州

原額夏稅折色三錢麥四百五十石七斗一升七勺六抄六撮該銀一百三十五兩二錢一分三釐二毫二絲九忽八微全熟因軍需匱乏奉文改徵本色

原額上中下田三則各科不等共該秋糧本折米八百八十八石八升二合七勺九抄五撮六圭一粒五顆

內本色米一百三十一石七斗七升四勺八抄五撮四圭三粒八顆

折色六錢米七百五十六石三斗一升二合三勺一抄一圭七粒八顆

該銀四百五十三兩七錢八分七釐三毫八絲六忽一微六塵二渺因軍需匱乏奉文改徵本色

原額稅糧條編地畝加派每石合編銀五錢九分九釐八絲三忽共該銀八百零二兩四分八釐四毫六絲三忽二微七纖三塵俱全徵稅課

每年商稅船課銀二百三十八兩五錢零九釐

欽定古今圖書集成方輿彙編職方典

第一千四百九十四卷目錄

順寧府部彙考二

順寧府風俗考

順寧府祠廟考

順寧府驛遞考

順寧府兵制考

順寧府物產考

順寧府古蹟考

順寧府祠壑考

順寧府部藝文一

重修溫泉記

新建順寧文廟記

順寧府部藝文二

浮橋

普光寺

瓊英洞歌

萬慶寺

慈恩寺

瀾滄江渡

黑惠江渡

龍泉寺

順寧府部紀事

職方典第一千四百九十四卷
順寧府部彙考二
順寧府風俗考
通志府志合載

本府

舊志境內男耕女織鮮習文字九種雜居相見屈膝不拜信鬼以雞骨占設流之後漸化漢俗郡志士多渾樸人敦古道民守分懼法美劣相半俗尙節儉婚姻稱家爲禮野無遊民恆產不失

順人性樸謹厭虛誕親戚往來重實不重文慶弔隨家厚薄量親疎以雞豚醴粟爲儀物間有喪葬舉素不烹不酌弔者遂因之亦稱簡朴婚姻之典甚爲美便不慕勢利不厭單寒惟取門第相若聲氣相孚男女年齒相近爲是男女探有可從之機遠遷修氏三指其門車蓋從之女氏初不爲之設茶待三往而後餉之以飯示不輕也既諾男氏投刺於女氏之百爾親戚謂之遞謝東從此則相往來節令交餽矣俟桃期既屆擇吉告成或入贅或親迎從便相就不責聘儀不較僉具誠美俗也

葬事至重郡人克勤焉卜地選期必請決高明乘凶之說不多尙也封樹隨分不敢違制惟是砌以石覆以土則竭力盡心無或忽之者士祭其先家有木主晨夕瞻仰取如生之義也惟松楸在野凄惻平谷雨寒煙中人子何心能自己乎斯不必履春露秋霜而荒墟典戀矣郡人於春秋二祭外時多往祭焉一飯一奠孝思

誠學也

士爲民望風尚先焉順郡業儒者誦讀而外繩趨矩步奔競爲羞謹言慎行臥碑是守寧淡泊以自甘無淫靡而敗節雖陶淑於詩書亦自居樸茂之地近於古初素所持守與觀摩然也郡俗尙儉素燕會有時必以敬遊賞有度不煩歛盤飧因便不求珍索異飲拜如儀不深夜羣譁雅淡寧靜有古人風允稱醇厚

築室寧堅不取華寧陋必就靜塗泥而不墜粉砌石而不施磚短垣小扉疎離美圖雖鮮華麗亦覺有致

器物無雕飾無采繪或竹或木任質成之以鍛以陶因俗成制工省利用古樸相安

祀重二教且有繪像頂禮者志虔物潔較羽流釋子尤誠敬焉是亦從善洗心之一助也

開拓僅百餘年風會日上多醇謹慎交遊友朋非共業不類往見虛誕便同陌路凡有子弟必令從師否則責其力田敦之習藝斷不令放浪浮薄日染於非間有一二蕩檢踰閑輩衆競指爲匪類厭之遠之不置云

郡民窮乏者十有八九衣食粗足者一二而已所以晨夕作苦男女皆然從無攜婢呼姨挾襟挽袖走郊原遊寺宇者不但困於玩賞無資亦其性醇習謹也

順郡俱叢山深澗土瘠水寒耕種倍苦而又牲畜無幾積糞維艱農人治秧畝先堆梨塊如窩塔狀中空之挿薪舉火土因以焦引水沃之爰

加犁肥土乃滑膩氣乃蘇暢方可布種倘燒梨少不盡善而或失時則秧未可問矣土脈薄水遲仲夏乃得插禾田高下不一其形如梯級如水裂其坵如初月如斷核尖凹曲折如曲蚓非直方易治者以故培塿補缺役工尤鉅禾插後雨暘時若則可不則蠶害頓生秋實因以遂耗穫時正值秋盡臺雨方殷未芟者黃落滿畦既芟者粉芽在穗倉箱之望將何慰之農之病有如此

山谷向陽者可收可稗可麥可菽彝民以之爲天然非茂草豐林則礱礪無獲刈之於冬焚之於春繼之以犁以鋤視力田尤倍種後少雨多霽則庶幾矣若遇臺雨俱歸烏有幸而及熟又有野獸所耗則徙家就之種費微竟同傭者取值懲哉山農洵目擊而心傷矣

城內居民頗工紡織村寨中間有之然粗薄不及蒙水闊不盈尺長僅三尋本地衣之他郡不知取也

郡稍產穀樹居民因習造紙之業者三五家細白不及榆製聊以供日用書翰

彝性鈍不善藝農隙則爲傭凡木工石工陶人冶人輩俱自鶴劍來此郡利之以廣物用彼利之以資身口生長世及殆忘其爲世籍矣

郡農器頗輕於他郡以土淺故也農人刈稻畢曬穗於畦塍及田間用大斗可容數石名曰海簸四人環立持穗而擊稻遂落於簸中人日可得石餘遠村亦曬穗於田以篋筐鋪於地上堆

穗於篋以足採之稻隨以落日亦採獲石餘山間彝人打敗稗以一木長三尺其端如鉤兩手持木反覆擊之其江外困思龍山間微產鐵鑛彝人入山日一往還得之少許煎而成鐵只堪鑄犁造製器物則裂綻罔成蓋土燥氣薄致然也惟是煎礦之爐風箱用水力大抵以水之去來爲箱桿之出入亦小慧之可觀者

郡中亦有紡織習染者不過數家村民稍植靛且有野靛一種色鮮堪用然不及他地所造僅充土人衣著而已

郡中彝多漢少大抵種收不種粟栽麻不栽桑造確不造礱畜牛不畜馬非民之情亦土之宜習之便也

元旦 焚香祀祀卑幼禮尊長往賀親知如他郡儀但郡人多持齋者高年輩持誦二氏遺典詠讚之聲沸騰

元夜 燈光間有之但如晨星落落火樹銀花之盛未之見也初更以後六街寂然矣六之夜老幼婦女持香緩步羣行城市間間遇闌闌通衢橋巷轉路處插香一枝二更後方靜俗稱爲遊百病殆亦禳祀之意

清明 有拜掃之例郡人先後行之誠謹可風不類登遊修靡也

午日 角黍蒲艾遺餽皆然獨是陸處萬山龍舟弔屈實希有事也

季夏廿五日 爲星回節俗呼爲火把節日暮燃火炬於門燒小炬於田以杜蠹害視火紅紫

邑爲稔年爲家道昌熾色淡而暗則有差切生肉爲膾難以鹽蒜辛辣合食暢飲以爲歡畜馬者馳驟於火炬下蓋欲燭熟其目使無驚眺之虞彝人則先一日慶節如前飲食但慎重於新歲祀先等城市漢俗則廿五日也

孟秋望之日 郡人先一日祀先獻饌具楮祭奠於家焚包送於門外間亦有哭泣盡哀者聞之令人酸鼻且有合資設賑濟事於寺觀者亦見報本之意

中秋 惟簡淡從事絃歌深夜以待月華則未之聞也

重九 開樽看菊城市皆然惟不事佩茱萸登高作賦也

十月初 爲拜掃之辰往祭亦無定期

冬至 彝俗以糍餅蜜相遺餽漢俗則否郡俗謹飭不樂遊賞歲惟東嶽誕日羣而往焉賽祭畢即返從無縱飲豪呼酣訂郊原者

四月八日浴佛會郡城中庵刹主僧設彩亭奉釋迦太子香水浴之檀那有往觀者齋茶一設而返

在城與右甸及凡孔道街場之區多有各省流寓者服食器用冠婚喪祭俱同中州其育子孫置田廬與順俗無異且有遊泮而稱秀異者不一其人矣

雲州 按州自開闢以來陸續寄居漢人漸多俱各省及他郡來入籍者其習業服食器用俱相髣髴

與中州同士子習於詩書女紅勤於紡織農事
犂鋤商行貿易市無遊手好閒之徒野有力耕
火種之更雖則邊遠之區漸為移易之俗謂漢
彝樸處而久道化成有其訓矣

順寧府祠廟考 通志

本府

風雲雷雨山川壇 在府城南一里

社稷壇 在府城北一里

郡厲壇 在府城北

城隍廟 在府城南五里

八蜡祠 在府城北落仙山尾

文昌祠 在府城東北三里

武安王廟 在舊府治東北

武侯祠 在府城南一里

東嶽廟 在府南十里

土主祠 在府城南三里

趙公祠 在城隍廟右

蕭公祠 在府治南

俞李二太守生祠 在府治南祀太守俞懋學

李忠臣雲州亦祀之

蔣千戶祠 在右甸觀音庵左

漢相忠武侯祠 在演武場左戊日祭

關聖祠 在演武場右

龍王廟 在北門外俱戊日祭

真武廟 元壇廟 三官廟

十王殿 馬王廟 衛房聖母廟

猛公祠 本府土知府也

雲州

風雲雷雨山川壇 在城之南

社稷壇 在州之南

州厲壇 在城之北

城隍廟 在南門內大街

土主廟 在城內正對東門

土地祠 在州大門內左

魁星閣 在東門城外一里守備王應龍修建

玉皇閣 有二一在城西門外一里一在猛郎街之右

文昌宮 在城南門內

關帝廟 在城內之西

佑聖廟 在城之南

聖母殿 在隍祠內

川主廟 在城之西南隅遊僧知歸重修

蕭公祠 有二一在城北江右客家重修一在猛郎江右王道人重修

俸土官廟 在南城門外一里

寺觀附

本府

萬慶寺 在城東二里習儀之所

普光寺 在府治南五里

慈恩寺 在新生村寺達而古

玉皇閣 即鳳儀寺在城北門

東山寺 在城東二里

龍泉寺 在城南一里

彌勒寺 在城南二里

曹溪寺 在城東北四十里山水清奇可稱勝地

萬佛寺 白猿寺 聚聖庵

雲隱寺 極樂庵 大典寺

萬峰寺 潮音寺 碧雲寺

觀音寺 護國寺 龍潭寺

石洞寺 華藏寺

鳳儀寺 在府治左

準提寺 在府治右

會龍寺 三官閣 如是庵

興隆寺 大士閣 呂祖亭

太平寺 南宗室 雲栖室

曇花寺

雲州

王福寺 在猛郎關帝廟之後

廣佛寺 離舊城五里前樓虛敞殿宇清幽前

果園後植松竹來往者儘可納涼休息為第一

名勝

石佛寺 在丙邊山上猛郎東十里

茶庵 在黃坡上山前有開帝像後殿有大士

像左為香積右有禪房中供韋馱像施茶水以

濟行人大有利益僧人知覺竭力鼎建

習儀寺 在城東門內

迎恩寺 在州北門外

雲興寺 在東城外二里

三教寺 在舊城

壽佛寺 在舊城新街係湖廣客家共建

觀音閣 在猛郎熱水塘山麓

順寧府驛遞考

府志

本府

至永昌驛遞 有望城關金馬關猛右錫鉛瓦

位哨小橋大橋水塘哨洛扁右甸茅草哨瓦房

哨枯柯腊邑

至蒙化驛遞 有新村塘三溝水鷄街子高規

槽大江邊三台山山頂塘箐口阿魯史象脚井

猛家橋牛街小江邊茶房杉松哨

至雲州驛遞 有平村瓦罐窰象莊樂党把邊

關翁起登采馬鞍山

他郡遞傳俱設實戶給有冷餉田歲有供食銀

米至順郡僻處西陲遞傳原無實戶即以附近

里民充之

雲州

州前鋪 北去十里至鹽井哨十五里至黃土

坡二十五里至猛郎哨二十里至挨羅哨四十

里至寧後哨十里至太平哨十里至神舟渡交

蒙化府界

州城南十里至舊城鋪十五里至陳家橋鋪十

五里至末鐵關四十里至篋色橋四十里至猛

賴四十里至猛同十里至界牌交耿馬土司界

州城西五里至馬鞍山交本府界

州城東北五十里至猛郎哨東北十里至石佛

哨六十里至漫乃江交景東府界

順寧府兵制考

通志

本府

皇清復滇兵制

順雲營守備 康熙二十一年設駐順寧府

千總一員

馬戰兵五十名

守兵二百五十名

雲州

鹽井哨

挨羅哨

哨兵共三十二名今裁

把總二員

步戰兵二百名

黃土坡哨

車候哨

毛家哨

猛郎哨

各哨

順寧府物產考

通志

府總

猩猩果 色紅味酸子即酸棗仁

斑竹 出雲州

濮竹 卽南中志所謂節去一丈可受一斛者

今產不過去二三尺受升合而已

長鳴鷄 身小形昂其鳴無時聲異常鷄

矮犬 毛深足短卽竹書所載矮狗

綠鳩

脆蛇 見人則斷人去復續取而乾之可治腫

毒

蛤蚧 出雲州

棉花 出雲州

蔗 州中原無此有賓川客人遊州境攜種數

本植之鄉人因學以蔗水熬糖易米

線竹 猛賴箐有之彝人用刀刮之縷縷如麻

可以絞索可以織履

鸚鵡 州中無此至冬月漫乃江一帶往往數

百爲羣飛來彝民用膠粘取以供七著非冬月

則無有來者

飛鼠 卽鼯鼠也腹堂有皮寬垂如人披袈裟

然樹枝相離數丈卽飛而過但不能遠猛賴交

界處有之

木棉花 俗名板枝花山箐內常有之株幹粗

大枝葉希疎葉如核桃樹葉花似山茶花可食

花謝結成蓓蕾至四月間如大拳烈日曬開其

子帶絨飛出宛如柳絮慢天飛舞其絨長一二

寸潔自有光勝于竹棉好事者收取十數斤裝

入筐其子不用車壓止用手在筐內徐徐擾之

子在下絨在上絨裝襖褥暖而溫

茉莉花 三四月間甚放春秋冬三季亦間有

之香味遜于閩中者其株幹稍似藤殊少亭亭

直立之繁

素馨花 段氏王瀛時有王名素興者善植花

卉常率歌妓諸客遊宴惟此花遇歌舞則似能

舞王極愛之故名素興俗訛爲素馨

花上花 葉如山桑花如杜鵑有臺花心內復

生一朵若層臺然嚴冬時盛開三序亦常有之

卽佛桑花

桑寄生 各村俱有寄生而桑上者爲佳入藥

爲良每于枝幹上無因而生如草如藤亦能開

黃白花結子如蓮實

樹頭花 年久枯木上所生狀似吉祥草而葉

稍大開花如蕙一莖有花十餘朵其香遜于幽

蘭

雪蘭 樹上所生與樹頭蘭相彷彿色白而香

順寧府古蹟考

通志州志合載

本府

諸葛碑 在猛緬邦鳳山碑文剝蝕字不可辨

中阿山銘石 明正德初土人于中阿山得石

方逾一尺上有銘曰襟滄江帶錫河爲崑崙山

家子厥名曰中阿餘字俱不能辨不知出于何

代

江浮佛像 昔有彝人漁于蘭滄見水逆流視

之乃觀音像遂奉于萬慶寺

觀音接路 在阿陋史泥山兩山道絕中有路

百武平直如砥人力所不能及也土人傳爲觀

音所鑿

觀音井 在府北九十里俗傳其地原無井泉

彷彿見有老人以杖拄地泉隨湧出亦謂觀音

所化焉

孟獲寨遺址 在府南

寶通州慶甸縣舊址 在府南八里元天曆元

年建今廢

右甸土守禦所城 在矣堵十三寨中明知府

余懋學築今廢址尚存

江心鐵柱 石柱

龍泉井

雲州

上衙 卽舊城倭氏之住宅爲大侯寨尚存土

城基址順寧右甸二河至此合流宅後有一天

池冬夏不溢不涸

下衙 在舊城南十里係倭土官分駐之所石

獅猶在焉傍有萬年青樹一株大可五抱高數

仞有神依焉片葉寸枝人不取犯犯之作祟

猛氏寨 在州東一百二十里地名猛稿有龍

馬靈泉又有小熱水塘

天馬迎暉 與府境交界爲州之主山兩峰高

峙中有平凹壯若天馬嘶風登此山之巔則兩

城並合山川形勝盡在目中舊有句云天高雲

豁雙眸外地大瀾平一掌中

溪虹渡翠 州南十里許爲舊城凡府城之水

與猛石之水於此處合流兩水交冲或激礮如

噴雪或浪靜如澄藍從堪與家言已建鎖水閘

以鎮之今又建鐵索橋於舊城爲有益也

層宮旭照 在州城西卽州之主山如屏障然

坡上有三清殿後有玉皇閣高出雲霄晴光遙

映殿宇輝煌則霞彩可觀也

猛鎮溫泉 去州五十里爲猛浪鎮蓋入省孔

道也旁有地高而平湧出溫泉百道熱如沸湯

可以煇鷄煇豬水分南北二流南者石甃一池

方廣八尺深二尺爲男塘也北者石砌方廣一

丈許有亭覆其上圍以垣牆是爲女塘也

末鎮雄關 在州南五十里往各土司路必由

此前爲四十八道水深箐茂林人蹤罕經五六

十里泥潭險阻樹林陰翳人不見天人難並行

馬難馳驟明時設關有堡堞城闔委員把守盤

詰亦邊隅重地也

神舟飛渡 去州一百二十里舊時渡口往蒙

聽信妖僧及李忠武作亂圍城州牧具文告急
去省隨發官兵星夜來州救援舊渡有賊把守
舍舊渡而潛從此處預造舟楫于山簣乘夜浮
舟暗渡賊不知覺以為從天而降也倒戈潰散
州城獲全至今設渡于此往來利涉

玉池泛月 在城南一里許坡上四圍矮山中
窪為一澤廣可百畝俗名南海子清鑑毫髮相
傳城形如瓢得此水則為金瓢汲玉漿明時海
旁寺院輩飛亭榭錯錯且多花柳間植有如雲
錦燦然每于月夜泛舟圍以千人火炬上下照
耀恍如星炬之在水底人影之在天上不啻乘
槎入星宿海矣

碧沼騰龍 在州東八十里有池延袤數畝水
常不溢決之不涸江水清則此水清江水濁則
此水濁俗傳有泉眼與江通又傳有龍馬出焉

順寧府峒蠻考 府志

本府

梗人 城外村寨俱有之居處皆與客籍同性
語言各異貨遷貨居者少耕織工作者十六七
焉男女粧服近多漢制婚姻以禮喪葬以助懼
公法尚鬼神糧無通欠邇來勤學能文列庠彥
者濟濟其人矣
猓教 郡成樂黨東木龍各地俱有之居處藝
業把齋婚姻不出其類宴會不接漢人是其教

之拘也居必聚族行必結羣行旅不吝扶持貧
乏必有賑給不尚淫祀勤于治生畏法奉公教
訓飭密亦有可嘉者矣

猓 大猓男女色黑性悍亦足纏頭披羊
皮衣麻布山棲草舍火種刀耕言語侏僂習彝
字師阿閉信鸚鵡婚嫁備牲醴葬壘木叉鷄豚
皆火燎而後烹食日用則苡稗雜糧與木相半
小猓猓並少穿戴好獵畜犬重信怖法納賦如
期其習尚與大猓猓相近

蒲蠻 男女色黑貌惡耳帶大環簪帽亦足性
情嗜好漁刀耕火種言語啞略不曉漢語四時
慶弔大小男女皆聚吹蘆笛作孔雀舞踏歌頓
足之聲震地盡歡而罷葬多在屋之前後記死
不記生住山寨茅屋畏法輸納及時

猓 郡西境錫腊里多有之男貫耳成大孔
雄髮辮衣無領戴簪帽間有著履者耕作不勤
負戴不重婦最敬夫惟多迂慢語言各殊不通
漢語女貫耳帶小墜著細褶長裙裹頭赤足亦
知紡織且巧于織男女皆喜浴喫草烟善投水
捕魚臨食不用碗箸以手丸而食之多食糯米
此所以與漢人不同也

雲州 身稍長大身面俱黑間有強力者慣火
種山地不事水田

楚雄子 阿昌 蒙化子 以上三種俱與猓
猓同

猓 身矮小力薄耕平地不諳種山男女之

性愛水四季澡浴於河中

大猓黑 黑陋愚蠢更甚止務耕山所食薔稗
即為上品其餘草子芭蕉樹枝野菜及葛根蛇
蟲蜂蟻蟬鼠竹鼠禽鳥遇之生噉不茸盧舍崖
居野處與野人同

小猓黑 形體差小習尚與大猓黑同
焚兒子 即嬰兒人

小例密 刀耕火種上山不離弩箭慣于射獵
遇鵲風以夾弓取之

名冢子 即大理劍川客居此地

撒馬朵 稍有漢人之風性情嗜尚與猓葬相
近

彝種 男剃髮女人椎髻用紅白線札於腦後
男女見人不知揖拜但屈膝而已男以布二幅
為裙中間一孔套之婦人用紅綠線織一幅為
衣如袈裟狀以布一幅纏其腰性嗜大鼠凡土
蜂蛇虺蜺蜈蚣蛇蟲鳥之類皆啖馬猛賴三鄉
間有文身漆齒其出入作用披羊皮戴簪等帶
刀燒山耕種婚喪則男婦聚會吹蘆笙歌歡拍
手頓足作孔雀舞釀飲而罷病用阿閉即師巫
之類讓鬼解知醫藥然詰者頗學漢規間有讀
書習字者遲久不盡為華風乎賴司風化者加
之意焉

順寧府部藝文一

重修溫泉記

明楊慎

督學大憲伯仰齋胡公按部行教暇豫降觀溫泉惜勝地之傾醴慨古蹟之蕪蕪乃命攝州篆順寧府判孫宸曰咨爾賢真符不必分矣再命安寧世守知州董沂曰咨爾材屏功其可鳩矣出罰鍰為材庀役也如期成之不日慎也樂焉觀焉觴焉游焉語諸丘文舉輩曰公斯舉也匪典類起蕪之為兼得公之教焉汝知之乎澡雪精神以遊高明脫去淹滯事從獨潔是日新之教也觀乾坤交泰之合德悟水火既濟之成功是格物之教也別生辨類毋俾相漬深宮固閣庸或窺觀正內正外而男女貞分陰分陽而儀象立是匪俗之教也諸生端拜而贊曰吾師之旨微斯言曷發其覆昔任仲文新酒官之肆而拔十之科典今我公葺玉泉之廢而再三之教顯實同一機也竣事宜有記乃文而刻之樂石云棟樑土石與匠石之力有不足書書其大是役也石梁郝公龍崖趙公泉坡孟公方罰鍰以助之而碑則黃潭陳公竹岩李公命巖司姚文所樹也

新建順寧文廟記

董維

戊申春余剖符得僕比冬乃獲陞三台渡蘭水環視郡概四山列屏中鋪片席宛類簞然山城三四里跨鳳岫兩趾而盤旋拱抱焉厥形又篴庠宇則攝乎兩山而中處卑隘濕狹允如物貯簞底也余竊以為庠宇為人文地宜軒豁特出何昔建策者一味至是乎稽郡闢之四祀乃設庠懋學又數祀而生徒備溯厥從來初則設開未久未肯議其不善既則兵燹疲

困相仍未暇議及新圖在昔非昧于是者何處郡人士損余而請曰茲庠址失效靈靈我僕秀殆七十餘載矣傾頽日盛仍舊貫也則宜葺遷之也費不過尋之之倍與其葺而徒勞孰若遷之余曰遷實難葺亦非易公家汰諸費額纖毫不給之縣官遷庫雖盛事乎在私不在公也余固不吝俸之入以助乃役然經營勞費容可應計乎郡人士復固請於是卜城南一地出鳳岫左址而聚結拱護如登堂俯垣憑高眺遠雖冠文昌宮而衍出之吉址也僉議咸同闢土規畫高卑不得因其勢則利用築培舊學棟樑腐而粉磚而冰瓦而葺取材不得拾其陳則利用覓新凡如坊泮門墀旁扉複道兩廡連楹而五階級層列而三以暨各宦鄉賢明倫堂尊經閣師署宅舍門甬四垣百丈有奇聖粉施丹勾金飾碧皆特構而節須備之為力不細也肇修于己酉之冬落成于庚戌之秋匠斷共數千計傭工又數倍之募工市料銀共二千餘兩雖余朝夕董督勞費未辭然非諸僚紳幹趨事不怠安克報竣之捷耶筮吉仲秋朔二日丙戌迎請先師暨先賢諸儒位而胥宇湖日丁亥肇祀遂鐘鼓效靈大壯形勝佳哉氣象鬱鬱慈余乃揖郡中人士而言曰事有先難而後濟者胥類是矣一片荒壤忽成偉構若憚其艱而止焉斯已矣半途而止焉亦已矣方不矩圓不規斷創不中度高卑前後不中式約略而止焉又已矣茲何獲樂有成慶壯麗哉良以力從事而不安率陋乃爾也諸君紳而監于茲則端身模以風聞閉示家訓以養中材何患乎不變不成諸茂材而監于茲則敦品節勤學問何患不為修士為通

浮橋

明楊慎

千尺長虹臥錦波懸樞度索笑祥柯玉關金鎖隨開闔木客鮫人磔嘯歌漫道龍梁碧海虛傳鳥鵲渡銀河堪憐來往驚鴻影步步塵香灑襪羅

普光寺

任尚升

尋幽來寶地怯險傍銀鞍寫景攜摩詰題詩任謝安山禽迎杖履露竹洗琅玕自信侯門餉花間送玉盤

瓊英洞歌

董維

余聞下地天上雨載覆僅有洞天三十六山海花經博古圖已俾前良俱輯錄後聞西極崑崙黑水邊西粵名山接漢沿邈隔中原一萬里潛淵碧漢相連懸又聞茲山奇不可紀嶙峋嵌空難與比晦明幻化神物潛章亥艱難不到此僕山主人號柏原天分茅土鎮江門咀誓山河對白日誠心金字輝煌存六書池上披蚪蚪班馬詞翰雄出手結文鳳伯山中人義氣相符世無有談天話日唱陽春稜稜雪骨兼風神長樓永夜銷蠟燭鴉翻墨漢詩聯新為有冤奇採古癖

朝日舉躋勞杖履禹碑衡嶽昌黎仇禹穴龍門司馬
敵詢樵叩牧春復秋山人出山說山由忻然發悅獲
大寶拉我襟袖如奔牛不俟戒行分陣除山花綠繞
雄旌旆蚪龍石磴摩馬蹄左肩脊嶂陰靈昧山鬼啾
啾木客號古藤繩索垂猿猿山禽百韻隔雲木落日
熊羆呼爾曹路斷弔橋懸怪石宛若晴虹高萬尺懸
撞度索越他山飄颻天風吹羽翮煙霞不隔水源深
仙境微茫何處尋人似避秦鷄犬近松根履足蹙然
音洞門深鎖桃千樹山靈謝指桃源路翠觀岑青紫
府圖鬼工斲處心驚怖石鐘疊疊石乳香龍飛鳳翥
石筍長石鐘石鼓還石磬鈞天樂派音鏗鏘仙人酤
我長春醕一飲驪襟無處所仙詞瀏澆滌塵煩自信
仙緣于我予仙人石枕石榻奇不寐遙猜世可知恐
驚道士丁令鶴樵斧腰間一夜疑山人灑墨題顏貌
貌爾瓊英洞天號歸來獻賦奏明光續筆圖與顯南
徵

萬慶寺

前人

正馬雙童蕭寺來芙蓉沁露馬頭開官槐夾道涼吹
秋野水澄空淨洗埃香隔白蓮珠室邃使煩青鳥玉
書裁沉吟落日秋江上羈旅偏驚賦客懷

慈恩寺

前人

兩月閉門苔蘚澀雨晴騎馬過新村山翁注茗清詩
肺野寺詢碑摩笈痕沃土早禾無蠟子短籬嘉竹有
龍孫隔牆呼取一鴟至潦倒茅簷樹色昏

瀾滄江渡

前人

萬樹勾芒動早春長途寒峭惱征人煙蘿羃羃欲啼
鵲春水迢迢將向蘋尺素燕邊勞問候吳鉤天外挂

酸辛銷魂更見平蕪渺落日沙頭怯問津

黑惠江渡

毛沂

江畔青青草江汀白白蘋江雲春樹暮愁殺渡江人

龍泉寺

吳愬

溪上青山帶紫煙山中梅蕊早春天仙家春夢今朝
熟來聽冷冷瀉玉泉

順寧府部紀事

通志瀾滄江在順寧東南四十里歲五六月江中有
物色如霜光如火聲如析木破石觸之則死或云瘴
母文選謂之鬼彈內典謂之禁水此惟江邊有之郡
治絕無

順寧府大江浮來一屍人身狗頭無尾有鬚形軀雖
小手足與人無異

順寧府里長偉文家畜一特甚瘦好鳴二年忽產一

犢牛頭牛蹄渾身白毛青腿脊上微有鱗甲角生頂
中如芝菌然光耀炫目鷄犬狂吠文駭而殺之太早

見身有肉鱗其色青藍邊未淡紅每鱗之內皆有細

毛蠅蚊不敢近

楚雄下銅者居順寧冶鑄為業二徒利其囊資欲害
之因十大醉鎚斃之而委于壑有劉姓者受誣讞成

見一白鳥哀號屋角去而復來若有所訴然如是者
三日迹之始得其屍所官訊其事二徒伏辜劉冤遂

白

崇禎間順寧下思四夜半地中忽起大方廣丈餘上

升北過枯柯壩限於沙窩寨後是歲瘴疫大作
崇禎間郡東木龍里彝人入山火地忽林谷如雷之
聲殷殷可怖忽見一物如牛而大色青黃獨角一觸
崖石裂且墜彝人開毒弩射中之牛逸去數日死于
壑知府張鶴塘遣人覘焉反命曰乃山羊也